

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

Hoc allegoricè interpretabimur.

Mundus nihil aliud est, quam terra inopia; modò panis necessarius deficit, & famæ terram premit, ut nullibi frumentum inveniri possit, licet carè emere velis, hinc est, ut qui antè vescebantur voluptuosè interierint in viis suis, Thren. 4. v. 5. Modò verbum Dei pretiosum esse incipit, ut tempore Eli, 1. Sam. 3. v. 1. ut vagandum sit à mari usque ad mare, & ab Aquilone usque ad Orientem, quæsitum verbum Domini, & non inveniatur, Amos. 8. v. 12.

Hæc magna est miseria, neque enim homo carere his potest; pane naturali indiget ad sustentationem corporis, spirituali ad roborationem animæ, propterea Christus ait: Non in solo pane vivit homo, sed in omni verbo, quod procedit de ore Dei, Matth. 4. v. 4.

Sicut autem tum temporis unusquisq;, qui frumenti inopiam laborabat, Josephum accedebat, qui cuilibet pro pecunia, tantum largiebatur, quantum opus erat: Similiter & nos ditissimum habemus Procuratorem, qui aperit manum suam, & impler omne animal beneplacito, Psal. 145. v. 16. Ab eo est panis naturalis, quem quotannis educit de terra, Psal. 104. v. 15. Ab eo quoque est panis cœlestis, quem in Ecclesiâ distribui finit, & quidem sine pecunia, Esa. 55. v. 1. ut quilibet, quantum ad salutem indiget, accipere possit, juxta illud: Venite, omnia parata sunt, Luc. 14. v. 17.

Quandounque itaque alterutrius inopiam laboramus, ad Christum confugere possumus, quem Pater cœlestis idèo in mundum misit, ut in eo vitam habeamus, & abundantius habeamus, in æternum, Joh. 10. v. 10.

Præclarum exemplum habemus in tur-

bâ, cuius mentio in Evangelio injicitur, quam Christus spiritualiter & corporaliter cibavit. Docuit enim eos multa, Marc. 6. v. 34. & quia cum desiderio eum audiebant, usque ad vesperam, incibatos dimittere solebat, sed quinque panibus hordeaceis & duobus pîscibus cibabat quinque millia virorum, præter fœminas & pueros, adeò largiter, ut non modò saturarentur, sed & duodecim cophini fragmentorum colligerentur.

Nos ad ipsam Evangelii tractationem nos conferemus, contemplaturi

I. Αὐτοπολογία sive notitiam nostris.

II. Χριστονοστασία sive notitiam Christi.

J. J.

Exegesis.

Quod si Evangelium pralectum in compendium redigere velimus, commodè illud includi poterit aureolo illi Christi: Quærите primum regnum Dei & justitiam ejus, & cætera omnia adjicientur vobis, Matth. 6. v. 33. Ubi tum officium nostrum, tum larga Dei remuneratio nobis ob oculos ponitur. Officium nostrum est, ut queramus regnum Dei & justitiam ejus. Remuneratio est in his verbis: & cætera adjicientur vobis.

Quid regnum Dei sit, ante ostium audivimus, nempe, ubi per digitum Dei Diabolus expellitur, & conscientiæ, efficaci solatio Evangelicae veritatis consulitur. Testimonia enim tua fidelia sunt validè, domus tua est habitatio sancta, Domine, in longitudine dierum, Psal. 93. v. 6. Quomodo vero regnum querere debeamus, turba nos docet in Evangelio, quæ Christum tantâ devotione insequitur, ut non modò rem familiarem posthabeat: sed cibi quoque corporali

poralis præ desiderio verbi ejus audiendi obliviscatur, hinc sequitur remuneratio, ut præter expectationem miraculosè à Christo cibo reficiantur.

Notitiam nostri hinc discere possumus, quando intuemur:

1. *Christi providentiam*. Sublevavit enim oculos Jesus, & vidit, quia multitudo maxima venit ad eum. Christo omnia in conspectu versantur, ideo respectu sui non opus habet attollere oculos. Omnia nuda sunt, & intimè patentia oculis ejus, Hebr. 4.v.13. Sed nostri causâ hoc scriptum est; sèpè enim in ea persuasione sumus, quasi Christus oculos clauserit, & negligat nos, uti etiam discipuli opinabantur, cum Christus in navigio dormiret, Matth.8.v.24. Ut huic tentationi consulatur, hic mentio fit, quod Christus oculos sublevaverit, & videbit multitudinem ad se venientem.

De Xerxe refertur, quod in altissimo monte exercitum suum, qui ex decies centenis millibus virorum constabat, lustraverit, lacrymis juxta emissis: quæsitus, cur id faceret, respondit: affici se tristitia, quod præterfluxis centum annis, ne unus quidem ex his fortissimis viris superfuturus sit.

Christus Servator multò aliter oculos attollit, ita, ut simul media meditetur, quibus indigentiae nostræ consuli possit, novit enim quibus indigemus, Matth.6.v.32. novit quoque pios de tentatione cripere, 2. Petr.2.v.9.

Hoc testimonia & exempla sacrae Scripturæ luculenter testantur.

Sic scriptum est Sapientia 6,8. Pusillum & magnum ille fecit, & æqualiter cura est illi de omnibus. Non longè est ab unoquoq; nostrum, in ipso enim vivimus, & movemur, & sumus, Act.17.v.27.

Hic beneficentissimus Pater Israëlitæ in deserto, Exod.16,13. Eliam in annonæ caritate, 1. Reg.17,4. Danielem in lacu leonum sustentavit, Dan.6,16. Et adhuc hodie, urlo-cupletissimus procurator, unumquemq; nostrum curat, tanquam solum, & omnes tanquam singulos, ut Augustinus ait. Bonus enim est universis, & miserationes ejus, super omnia opera ejus, Ps.145,9.

Hic probate, mi Christiane, utrum etiam proximi indigentiam pro virili, us debitum tuum, sublevaveris!

Quod enim Deus respectu nostri facit, e nobis exemplū præbet, ut & nos sanctorum necessitatibus communicemus, Rom. 12.v.13. & misericordes simus, sicut & pater noster cœlestis misericors est, Luc.6,36.

Sed parum hoc observatur, ubi enim homo homini Deus esse debebat, potius homo homini lupus est. Abundavit enim iniquitas, & requiescit caritas multorum, Matth. 24.v.12. juxta adagium: Wer reit der reit / wer leyt der leyt; sive ut Jeremias ait, Jer. 9.v.4.5.

Sed hoc caritati Christianæ repugnat; Christus populum hunc oculis adjuvat: sic neq; nos oculos avertamus ab indigentibus, sed eosdem præ coïncitatione intueamur, qui enim despiciunt deprecantem, sustinebit penuriam. Prov.28,27.

Christus populum hunc adjuvat corde, misertus enim est super eos, quia erant sicut oves, non habentes pastorem, Marc.6,35. Neque nos corda nostra indigentibus claudere debemus, 1. Joh.3.v.17.

Christus adjuvat hunc populū manibus, non n. saltem benedicit panibus & pīcibus, sed discipulos quoq; præsentibus distribueret: Sic nostrum quoq; erit, frangere cōsurgentē pacem nostrum, Eph.5,8.7. Eph.4,28. Hoc

Hoc si fecerimus, benedictio Domini sequetur nos, nam mutuò dat Domino, qui miseretur pauperis, & retributionem suam reddet ei, Prov. 19 v. 17.

H. Apostolorum diffidentiam. Quia enim secum decreverat, hunc populum, qui cum devotione ipsum audierat, corporali quoq; cibo reficere, manifestat hoc propositum discipulis suis, eorum mentem exploratus, ipse enim sciebat, quid esset facturus. Quo itaq; appareat, quid discipuli hactenus in scholâ suâ profecerint, h̄c eos quasi in examen abducit, ut cogitationes diffidentes quæ in cordibus ipsorum delitescebant, manifestâ forent. Ideò dicit ad Philippum: Unde ememus panem, ut manducent hi? Philippus, ut bonus calculator exemplò rationem subducit, quantum opus sit, dicens: Ducentorum denariorum panes non sufficiunt eis, ut imus quisq; modicum quid accipiat. Hoc ipso Philippus incredulitatem suam manifestat: Diu h̄c tenuis scholâ Christi frequentarat, multaq; signa & miracula expertus fuerat, ideò rectius fecisset, si ad hunc modum respondisset: Tu optinè noveris, Magister: quomodo indigentiae consulere debeas, qui enim in nuptiis Cananæ aquam in vinum transmutasti, neq; deficies panis in opere succurrere in deserto hoc. Sed artem suam probare vult, quis alia novisset, eum tam accuratum ratiocinatum fuisse?

Accedit & Andreas, hic quia puerum viderat, habentem quinque panes hordeaceos, & duos pisces, Domino id indicat, ita tamen, ut subductâ ratione subjungat: Quid hoc inter tam multos?

Hoc adhuc hodie prædicitur, non eum in finem, ut Andream & Philippum cum consilio suis derideamus, sed ut exemplo

illorum instructi, infirmitatem nostram, quâ naturâ laboramus, agnoscamus, qui sâpè persuademus nobis: tantâ nos prudentiâ instructos esse, ut vel Domino ipsi consilium suppeditare possimus.

Hic examinet̄ se unusquisq; annō & ipse nonnunquam cum Philippo ratiunculam subduxerit, Deoq; ultra extera media, parum crediderit?

Moses magnus erat Propheta, & in omni Dei domo fidelissimus, ut Deus ore ad oculum loqueretur, Num. 12, 8. & miracula Dei non modò viderat, sed & ipse patraret: & tamen hâc in parte peccavit: ideò à Deo obligatus est his verbis: Nunquid manus Domini invalida est? jam nunc videbis, utrum meus sermo opere compleatur, Nuin. 11, 21.

Sic adhuc hodie apud multos fides infirmior fit, immo planè evanescit, præferti si liberorum numerus adsit, & redditus exigui sint, ut dicant: Unde sumemus panem, ut manducenthi? Ibi calculus, sive ratio non concordare vult cum *Arithmeticâ, ratione quantitatis & numeri*, multi enim adsunt, qui edere volunt, at penus exiguum est. Non convenire vult cum *Physicâ, ratione actionis & passionis*, parum enim acquiritur, & multum expenditur. Non congruere vult cum *Logicâ, ratione quando & ubi*, tempora enim difficilia sunt, & terra per bellum devastata, licet aliquid colligatur, non tamen sufficit. Quid hoc inter tam multos?

Contra hanc tentationem soletur nos, quod Dominum *omniscium* habeamus, cui miseria nostra abscondita non est, novit tribulationes nostras, scit quid faciamus, & ubi habitemus, Apoc. 2, 13. ideoque pleni fiduciae cum Abraham dicere possumus, Dominus providebit, Gen. 22, v. 8.

Solemur nos, quod Dominum habeamus

Dominica Lætare.

144

mus misericordissimum. In eo enim invenimus cor verè paternum, Psal. 103 v. 13. In eo invenimus cor maternum, imò plus quam maternum, Ela. 44 v. 15. In eo invenimus Schaddaim, binā ubera, Ela. 66 v. 10. quæ præstant nobis omnia abunde ad fruendum, i. Tim. 6 v. 17. conturbata sunt viscera ejus super nos, Jer. 31 v. 20.

Soleniur nos, quod Dominum habeamus omnipotentem, Eph. 3 v. 20.

Qui his tribus fulcris verà fide innititur, instar petrae immobilis persistit, Matth. 16 v. 18. funiculus enim triplex, difficile rumpitur, Eccle. 4 v. 12.

III. Miraculi Excellentiam. Non enim plus aderat, quam quinque panes hordeacei, & duo pisces, quos ~~magis aperte~~ puerulus

ab iudeo pater portabat, ex quo colligi potest, non usque ad modum magni, adeò magnos illos fuisse, manducantium in deo colligi autem numerus fuit, quinque millia viro-

rum, exceptis mulieribus & parvulis, quo-

bis daturrum procul dubio non exiguus numerus

rebus. fuit, Matth. 14 v. 21. Luc. 9 v. 14.

afinis 209. pane. Sic nulla erat proportio inter cibum & in-

uia cu ~~uia~~ *in* *cibandos : nihil minus novit Domini-*

nus panes & pisces ita dividere & multiplicare,

ut inter manus Apostolorum crescant, &

non modò saturando populo sufficient, sed

& duodecim copiæ fragmentorum resi-

dui colligantur. Quo ipso Christus satis

comprobavit, se Dominum esse, cuius man-

us non abbreviata sit, Ela. 19 v. 1. cui non de-

viginti panibus hordeaceis, quos vir de-

N. Ex voce ηαυδεπιον ὅτι colligi, panes ipso fuisse

adeò magni. Vid. 2. Sam. 1 K. 9. 10. et alia loca

in Lex. Pas. ad hanc vocem allegata.

Baalsalis in ueste suâ detulit, quibus Propheta Eliseus centum viros cibavit, ut superfuerit, 2. Reg. 4 v. 42. non immerito Dei omnipotentiam admiramur: Hic Christum Servatorem idem fecisse, audimus: quis igitur de omnipotentiâ ejus dubitaret, & non potius diceret cum turbâ in Evangelio? Hic est verè Propheta, qui venturus est in mundum! Opera enim quæ fecit, testimonium perhibent de eo, Joh. 5 v. 36.

Hic probate, mi Christiane! utrum Christo credas, quod exiguum tuam supellestilem angere & amplificare ille possit?

Reperiuntur homines, qui tantum exterritis mediis intenti sunt, & his parentibus, animum abiciunt, non perpendentes, quod ipsa natura refiguretur, deserviens ejus preceptis, Sap. 19 v. 6.

Ipsæ fideles suos sine cibo, supernaturali modo, sustentare valet, ut Mosen & Eliam, Exod. 34 v. 28. 1. Reg. 19 v. 8.

Quodsi verò per media naturalia agit, pane suos nutrit, eundem

1. *Singulariter procurando.* Sicuti Eliæ per angelum panem, & per corvum carnem adducere jussit, 1. Reg. 17 v. 6. cap. 19 v. 6. 7. Vide Dan. 6 v. 23. Exod. 16 v. 35.

2. *Pauca multiplicando,* quale exemplum habemus, Hoc adhuc hodie facere amat, ideo canere solemus:

Terram coronavit bonis,
Ut fructibus sit fertilis:
Montes rigat cum vallibus,
Gramen parat pecoribus.
Et terra panem fuggerit,
Vinumq; large suppetit,
Quantum cuiq; sufficit.
Unde redundant piscibus,
Sic consulit defectibus,
Exclusa ut ova conspicis,

Pullis

Pallis voluerum vesceris.
Sic esculenta sumimus,
Boüm suümq; carnibus,
Ovesq; largitur Deus.
Er hat die Erden zugericht/
Lässt an Nahrung mangeln nicht/
Berg und Thal die macht er naß/
Dass dem Vieh auch wächst sein Gras.
Auf der Erden Wein und Brodt/
Schaffet Gott und gibts uns satt/
Dass der Mensch sein Nahrung hat.
Das Wasser das muß geben Fisch/
Die lässt Gott tragen zu Fisch/
Eyer von Vögeln eingelegt/
Werden junge darauf geheckt.
Müssen der Menschen Speise seyn/
Hirschen/ Schafe/ Kinder/ Schwein /
Schaffet Gott und gibts allein.

Pecora multiplicantur, Gen. 31. v. 38. frumentum fructum fert, Matth. 13. v. 23. plantæ multiplicantur, hac est benedictio Domini, quæ ditat sine molestia, Prov. 30, 22. Ne proinde despondeamus animum, sed Christo confidamus, qui in diebus carnis sua paucis panibus & pīscibus quinque milia virorum pavit. Quantò magis potentiam suam demonstrabit, ad dextram Dei exaltatus? Eph. 1. v. 21. Propterea, cogitate per generationem & generationem: quia omnes, qui sperant in eum, non infirmantur, 1. Macc. 2. v. 61.

De Secundo.

PERGEMUS NUNC AD alteram partem, γει-
σον των ιατρών, sive notitiam Domini nostri
Iesu Christi contemplaturi. Hic nobis pro-
ponitur in præsente Evangelio.

1. *Tanquam cibi & potius sanctificator.*
Exemplum habemus in quinque panibus
hordeaceis & duobus pīscibus, quos accepit

in manus suas & gratias Deo egit, qui eos
creaverat propterea supernaturaliter illi au-
gentur, ut non modò satiandis tot millibus
sufficient, sed & duodecim cophini frag-
mentorum colligantur. Sic adhuc hodie ci-
bus & potus noster, per verbum Dei & o-
rationem sanctificatur, 1. Tim. 4. v. 5. Ut per
benedictionem Dei, nos leguminibus & a-
qua magis reficiamur, quam alii lauto atque
opiparo obsonio, Dan. 1. v. 12.

Ideoq; hoc de Christo discere debemus,
ut semper sive accumbamus, sive de mensa
surgamus, oratione cibum sanctificemus.
Sive ergo manducatis, sive bibitis, vel aliud
quid facitis, omnia in gloriam Dei facite, ait
Paulus 1. Cor. 10. v. 31. Hoc non sine insigni
nostrū emolumento fiet. *Mensa enim, ab
oratione incipiens, & in orationem definens,*
nunquam deficeret, ut Chrysostomus ait. Sic
verè dicere possumus: Dominus est pastor
meus, nihil mihi deerit, bonitas & miseri-
cordia persequentur me, omnibus diebus
vitæ meæ, ex Psalm. 23. v. 1. 6. Id quod bene
observarunt pii veteres, hinc Tertullianus:
*Non prius discubitur, nisi oratio ad Deum
prægustetur.* Imò ipsi Judæi, quando cibis
fruuntur, orationem non intermittunt,
Pater enim familiās accepto pane, ait: Be-
nedictus Dominus Deus, qui educis pa-
nem de terra. Cui reliqui respondent: Be-
nedictus sit is, cuiuscibō fruimur, ut Paulus Fagius recenset.

Idem & nos facere debemus, nihil enim
à nobis ipsis habenuis, sed Dei munificentia
fruimur, cuius mendici sumus, ut Augusti-
nus ait, Psalm. 104. v. 27. 28.

Evidē Diabolus facile veneno cibum
nostrum inficere potest, juxta illud: Mors
in olla, 2. Reg. 4. v. 41. Quod si verò oratio-
ne devotā cibum nostrum sanctificamus,

T

tum